

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29

deli 得力集团有限公司  
No.6230  
基字02260122号



10







269198













姑山遺集卷十五

接收李培天圖書





姑山遺集卷十五

接收李培天圖書

宣城沈壽民眉生著

陳泰宇先生八袞壽序

蓋嘗有旨於先正之言而誦之古之君子既竭其志  
力以奉其親而又修身飭行務自表樹以顯揚之道  
稱於時功及於人使人推本其所出曰夫人之所立  
其父之教也而其親之名以章孔子孟子於昔聖賢  
遺佚贊述之者衆矣未嘗一言及其親夫豈忘其親  
哉知夫已之所立者大親之德不待言而顯也已可





以言而不言况肯以人之言爲重乎余謂善愛其親者取諸此抑古之君子躬爲天下所仰服故其口之抑揚予奪足以爲人之賢否重輕有獲著其名於文章之籍者輒相夸賀以爲榮耀至於子孫猶資爲膾炙此皆以其人誠有可傳而然非特呂其文也使徒有其文而大者或不足若柳子厚劉夢得王介甫輩其身不免爲世所詆議其所稱引崇譽之人欲望世人之盡信不亦難乎余謂善愛人之親者取諸此生辰爲壽之說不審何所始漢唐以降洪宣以上絕不載諸聞人之述作其間睹一二於千百者詩焉已耳



人之盡信不亦難乎余謂善愛人之親者取壽此生  
辰爲壽之說不審何所始漢唐以降洪宣以上絕不  
載諸聞人之述作其間睹一二於千百者詩焉已耳  
敘所爲詩焉已耳然亦但宋元之際而抑罕矣聯詞  
累幅以將之塗金藉錦以絢之樹九尺之屏而侈前  
徽標後美以張大之極萬年之頌而援西池籌東海  
以俟諛之明知其虛無而慣引之群見爲粉飾而競  
效之丐言者不惟其人惟其官官不可必而購諸委  
巷俚儒以代之吐言者不惟其衷惟其口口不復情  
而路爲舜桀爲堯以顛倒之優伶之賤室滿爵言胥  
隸之豪家懸闕軸蓋甚矣風之靡而流之汨而忘反



未有如今日者也抑今日之所艷而趨趨而效效而  
爭相勝者又有道之士之所恥而弗爲也有賢親焉  
知有善養而已鼎食之弗屑奚屑介寵文字間有賢  
子焉知汲汲以善養而已憂已之或辱所生不靳親  
之榮於他人齒頰之末事至正也禮至順也而今何  
必不古若也乃若此固以卻復環而請我之卻祝方  
勤而人之請祝益力始乎戚逮乎疏倡乎邇應乎遠  
非甚盛德曷使人樂道無窮哉則姑擇言而修酌于  
前或亦君子之所不廢云泰宇先生之以歲庚戌躋  
大耄也十月乙巳其懸弧辰先期諸圖壽先生者聚



前或亦君子之所不廢云泰宇先生之以歲庚戌躋  
大耄也十月乙巳其懸弧辰先期諸圖壽先生者聚  
國而謀邈倚趾相接先生聞之攬衣起庭勅伯子坦  
而下暨仲策暨叔坦暨季基遽趨謝客勿爲觴於是  
咸謝客弗觴而策故余門人仲獻也事余謹悉余指  
最熟更以余所誦先正之言如右也者遍告客客唯  
唯否否而旋旅進以復也曰孔孟之未嘗一言及親  
似矣然周人不日月照臨喻其父子思不天地四時  
譬其祖乎後世不曰爲夸而非之何也以其公也子  
厚夢得介甫輩之所引譽不足盡信似矣然同時不



有昌黎廬陵諸子魏然其人泰山又屹然其文九鼎  
乎誠不於彼而於此烏在不足信也何也以其賢也  
夫沈子亦慮乎愛其親者之率以私不以公耳亦慮  
乎愛其親與愛人之親者未必果賢耳洵賢且公奚  
規規於前訓而述之且吾儕茲所論說庸臆出也哉  
何莫而非先正之言又何不可觴先生也夫先生者  
人倫之高而孝敦惠塞義至而教立者也生於少槐  
公與汪孺人焉繼於繼槐公與宋孺人焉出入兩盡  
驩終身孺子慕者彼此如一日人無識不識罔間言  
家不恃餘而好行德惇而待恤孤而待撫懸釜待而



驩終身孺子慕者彼此如一日人無識不識罔間言  
家不恃餘而好行德惇而待恤孤而待撫懸釜待而  
爨臬禍不完待而續盈間巷踵以屬也平生善以和  
飲人臨事颺發顧不脂韋向人方甲申乙酉時士閉  
戶避鈎當矣先生走仲獻金陵戒以有急義毋苟免  
大節皦如詔伯子而督於家叔若季佐之厲忠信廉  
潔之行曷市非隱决不俯仰機利談智於尺寸之間  
詔仲而授經鳴道於外伯若叔若季內代理之覽燕  
齊之域而周歷秦晉楚蜀之疆所在芑活人曷逢掖  
而不有利天下之實凡皆先生以教以誨而式穀似



者如此是故不必言而顯而亦不必不言也。不必人而信而亦不必不人也。子無忝乎親也。親克翼乎子也。錫祉於昭昭之下而受祐於冥冥之表。春秋八十而貌言步噉康於壯夫象賢如雲而諸孫蔚然鸞鵠停峙天之福先生也。鉅而其延先生也遠矣。夫安測乎算之所底善之所積與慶之所極哉。而何不可觴先生於是。仲獻首領焉。退以告沈子。沈子曰。固哉。金之論壽斤斤也不如客之通以大也。其謹致客言。強先生觴先生。屆期迺受觴。而余日庚子至今。凡再先酌者爲役。云諸具前序者不更書。



之論壽斤斤也不如客之進以力也其言至名言引  
先生觴先生屆期迺受觴而余日庚子至今凡再先  
酌者爲役云諸具前序者不更書







秦毓千六十壽序



秦毓千六十壽序

蓋今辛亥夏仲予友秦毓千稱六十初度六十始壽禮也沈子曰秦沈之交世矣言不我屬我其請焉矧亶亶屬之言雖然不敢以華進也予甫羈卯而毓千之伯兄又宛民部同我西礪學是時予齒雖穉樸木惡遨嬉群塾誦誦獨心許又宛賢者也而敬之二十締召郡邑及江上下之魁奇樹壇而盟不數年海內略遍三十奉詔詣京師所與遊益廣文字聲氣所未盡四十東旅寶婺西徙僑源名巖鉅谷之間高侶踵



相躡蓋凡十年而予亦退守姑山以老今老姑山者  
又十五年矣追數前時交知始髫髻迄皓髮歷險易  
周遠邇所值瓌才大良剛柔文質峻廣通塞修短人  
各不同要其嚮嚮門內行無又宛右者以故予與又  
宛兩人友號尤莫逆兩家兄弟亦悉友予與又宛如  
予兩人毓千蓋其一云毓千性孝友吐心向人不爲  
畛域臨事明果敏練克濟嘗工博士業不效輒謝去  
意以丈夫不施策於國抑用之家耳朱公三致千金  
再分散與貧交昆弟何必非行德事志豈悻悻貨殖  
也者家貧親老歲時無以祭祀飲食被服不足自通



意以丈夫不施策於國抑用之家耳先公三至千金  
再分散與貧交昆弟何必非行德事志豈悻悻貨殖  
也者家貧親老歲時無以祭祀飲食被服不足自通  
太史遷淡鄙之於是稍稍理家人產產取給而止不  
爭奇勝進篤甘旨退急手足外贍朋舊旁洽宗黨大  
祿大兵大獄咸倚完濟此固豪傑特立之事非苟然  
而已沈子曰往予聞魯齋許子治生之說而疑焉謂  
爲學者先務也乃茲睹輓近士平居大言栩栩羞稱  
力作好援孔子老農老圃之誠以自解朝而造請爲  
利夕糜費泥沙之逮夫曳裾門窮索米計誦風益敝  
室益匱人益徧謫天益薦瘥彼積而巨莫假銖毫此



餒而枯待盡一旦怔怔然攘攘然苟可以營一錢充  
半腹有田夫蕘豎義不屑爲之者矣然後知  
治生之宜先也然後知許子之言碩言也然後知毓  
千之豫於持已廣於資物也士不明農鳥從辨道吾  
衣吾食之弗審所出卽好學懵如居今之世槩今之  
俗一樊子遲不易遇而動引大聖相媿擬不可哉是  
則毓千恥之予亦恥之毓千同產皆賢仲正也季南  
征不幸無祿茲偕又宛白首耳覽揆之日予亦僅與  
弟治先酌而前兩姓之驩浸假三世殊根同氣彼此  
四人庭以外莫交我先莫善我久旣躬逢盛事庭以



第治先酌而前兩姓之驪浸假三世殊根同氣彼此  
四人庭以外莫交我先莫善我久旣躬逢盛事庭以  
內元昆鶴姿令子鸞峙群從芝榮玉立環相慶也天  
啟有道曷其有極毓千欲無加觴得乎哉敢質言先  
爵者



如仙遺集

卷十

七

有本堂



陳母余孺人六十壽引



陳母余孺人六十壽引

蓋予致鄉先獻而有懷於待制陳公天麟其人也公風性忼慨誼篤親舊出而仕策荒禦寇有聲晚編易益勤諸撰述吟咏益富予旣以不獲及其時親炙其言論光采爲歎惜後予讀王忠文青巖集見其稱宣城陳氏世爲郡衣冠家有仕南唐爲刑部尚書諱初明者自昇來遷至宋紹興間待制公繼起而其族大盛子孫蕃衍凡以才學著者不可悉數則益欣然願訪其后人而與之下上今昔如身置乎公之側也丁



未夏始交吾友大介於姑山經明行修心折其爲君子也而敬之今年辛亥簡臣復以母孺人六十故丐予言爲壽詢其家系知與大介咸濟濟公裔也陳氏望吾郡洵以世哉孺人余姓早歸時聖君君潛德高孺人夙夜劬君庀家政業隆隆起稱克婦興師賓之奉允植厥子子吐葩擢穎翹自樹立稱克母其凝志也固斯其集祚也久六十川方至爾奚俟予言予願呀然欲有言者簡臣不聞紹興間往事乎爾祖故與子朱子偕登戊辰王佐榜者也佐以第一人冠多士朱則是科第五甲九十人耳乃後越人卽佐居遺址



呀然欲有言者簡臣不聞紀典聞在事乎爾祖故與  
子朱子偕登戊辰王佐榜者也佐以第一人冠多士  
朱則是科第五甲九十人耳乃後越人卽佐居遺址  
署曰宋徽國文公榜首故里將第一人不足重有爲  
重者也宋迄今數百載科錄蕩然而近代慕仰文公  
者獨重鐫是科之錄將第一人不足傳有爲傳者也  
簡臣勉乎哉明子朱子之學修待制公之緒顧瞻前  
武想見其同時通籍揖讓周旋之盛謹繩而式廓之  
以光照於爾家以不朽爾父爾母其爲壽親也大矣  
俟予言乎哉孺人生辰以秋七月十有七日諸繪屏  
祝者若內族若外族若戚屬疏屬具列左方





劉母王太君九十壽序

江更前一餘三及七虎再資廿二切後元並登乙一乃



劉母王太君九十壽序

江東南十餘年來凡號稱賢母而後先並登九十乃  
並徵予言爲壽者僅再見而已一爲瀨江金太君子  
友錢桴游氏母也桴游早躡巍科厥遭靡時棄官歸  
臥亡何陳固城以同里舊好入棟大政流睫所及動  
齊羽毛獨敦趣屢招不爲起詢之曰吾母樂偕隱也  
君子賢之一爲吾宛王太君子門人劉乾初潛母也  
乾初穎敏嫻進士業試連屈徙而掇武闈解首後數  
年第矣景山之役俄同南國十人者鐫錄去使猶徊



翔需次司馬門奮其材武何遽不功人前印肘後也  
者而顧偃仰問左爲也詢之曰吾母不汲汲祿養也  
君子賢之兩賢母以盛德大年聯璧江上人爲傳誦  
先是庚子十月予旣一言爲金太君壽矣迨今壬子  
二月卽安得壽王太君也無一言蓋嘗反復禮王制  
書大傳諸篇諸如虞夏殷周養老之儀文王治岐達  
孝弟之義繇異糗宿肉貳膳而至飲食不離寢繇杖  
家杖鄉杖國而至天子有問就其室莫不始於五十  
極於九十是故九十者邦之大瑞聖王之所絕寵嘉  
者也齡錫於維皇福集於攸好典嚴於太學道徹於



家棟雍樹國而至天子有問就其室莫不如於王  
極於九十是故九十者邦之大瑞聖王之所絕寵嘉  
者也齡錫於維皇福集於攸好典嚴於太學道徹於  
窮閭誠退而律諸閨閣筭禕間而苟以德則然以齒  
復然其亦惜不峩冠而襜袂耳惜不東膠西序偕國  
老庶老燕盛時耳惜不公授几卿正履祝饘前而祝  
鯁後耳而究所爲可尊而可尚焉者庸貴賤內外異  
乎哉而又何忝焉王太君九十屆也或謂太君享年  
高頤神衛生應他有術是不然太君三歲喪父母改  
適依大母其歸華亭公也公亦五歲喪母母再繼依  
後母銜兩家人倫幽痛終其身相莊以老未嘗反目



性至如此太君舅惠橋公者一日疾以劇也羹股進疾起既而華亭公如惠橋公仍羹股進疾罔不起誠格如此太君承姑以驩諧諸娣以睦勅己以勤以約毫不忘績漸濡其子以師以友饗簋半出手指饑餉人寒衣人糞獨恤人仁蓄惠施如此積之也厚斯其流之也長持之也顯斯其坐而享之也久不可易藉使躬引年乞言之世又生不爲婦人德益章而尊齒益著而尚其光大寧止是而渠有他術哉乃吾嚮者之壽金太君也數千載下上獲三懿焉而媿之春秋魯敬姜晉定夫人有明朱仲賢之母是也以賢則敵



益者而尚其光大寧止是而樂有化術古乃吾嚮者  
之壽金太君也數千載下上獲三懿焉而媿之春秋  
魯敬姜晉定夫人有明朱仲賢之母是也以賢則敵  
以算則均也茲伏覩王太君沃瘠勞逸之訓自其素  
裕金章紫綬乾初在焉而庶以券諸後來若乃席鞠  
隱之堂鳴家慶之盛子姓秩秩左右介觴畫史作圖  
州里宣咏政今日事予將舍三懿者而別爲太君壽  
焉不能也錢母劉母其揆一也太君丈夫子三長英  
諸生高等次譽疊疊飭家政季潛志誼魁豁殆賈氏  
偉節云



如月進身

卷一五

三

有



姊孺人張母八十壽序

市... 人... 長... 廿... 年... 自... 天... 堂... 州... 序... 廿... 年... 三... 月... 廿... 日... 序...



姊孺人張母八十壽序

姊孺人張母者予伯父漳州府君之女尚書生洲公子婦懿靖先生之配而予甥偉度母也先生篤盱江學所著證學語錄洞明宗要人擬復所孺人薰濡其說而契焉久之益見性有獲伉儷間自相師友抑一奇已先生棄世若干年孺人以今壬子十有二月十九日躋誕辰八十諸爲孺人祝者則以孺人生而嫻有漳州之訓其於女誠不督以能則以尚書清白閑厥家孺人婉婉奉職惟勤惟謹則以先生好行義孺



人斥珥佐其義則以孺人知有善不知有祿也勅其子從容養志恬然君子曰教不違親仁之本也敬不違尊禮之要也惠以將之貞以導之順之極正之軌也夫是舉所謂德也德必壽理之應也抑亦可爲孺人祝也而猶未也蓋嘗以陰陽往復必然之數周觀乎吾宛紳大夫之家或盛而衰或衰不卽盛雖有天道豈非人事雖關士行豈無婦謀當其盛也類必有如公父文伯之母儼然主下而猶績也曰必無惰業以廢先人類必有如鮑司隸宣之妻旣貴而猶識挽鹿車時也曰安不忘危先姑之訓及其衰也嘻嘻焉爾



如公父文伯之母儼然主而猶緘也曰必無惰業以  
廢先人類必有如鮑司隸宣之妻旣貴而猶識挽鹿  
車時也曰安不忘危先姑之訓及其衰也嘻嘻焉爾  
皐皐訛訛焉爾可若何當其盛也不但如文伯之母  
之能勞也又有其能老焉爲之長享乎大年不但如  
宣之妻之修厥婦道也又有其貽厥子孫焉爲之坐  
撫乎累葉及其衰也凶短折焉爾雖生不聊焉爾可  
若何夫吾沈與張而亦浸以替矣張之先有潘太夫  
人焉實惟尚書之母沈之先有我崔太夫人焉實少  
叅古林公母漳州之曾大母而今不可作矣而是兩  
夫人者皆其積仁而繫義者也皆其首發祥而厚膺



綸寵者也又皆春秋八十高曠百年一遇者也孺人  
一日德齊之齒復逮之天其儲爲不食碩果乎剝不  
極復不生復之初九卽剝之上九而豈遠哉是故孺  
人起衰者也繼盛者也內外族倚爲重輕者也君子  
萬年祝方伊始而寧有量哉因憶我少叅公之昔從  
歐陽文莊游也歸而太夫人咨所學焉曰不欺此心  
而已太夫人喜曰吾亦終身事斯語而已公夫人曰  
如此則婦人亦可學也墻壁屋柱率將鬼神夫誰欺  
又曰人心宜與天地相對微哉言乎名師鉅儒未之  
及也况他乎龍溪緒山都峰宛谿諸先生咸爲文著



如此其婦人亦曰學也培屋屋柱率非鬼神夫語其  
又曰人心宜與天地相對微哉言乎名師鉅儒未之  
及也况他乎龍溪緒山都峰宛谿諸先生咸爲文著  
之而盱江向守宛時創志學書院實肅我少叅公司  
講席蓋沈氏之好道以世哉予媿祖武而孺人以一  
女孫乃與懿靖交砥有立甥度而下翩翩賢焉張其  
典矣吾門訖振何日其能無慕也夫其能無警也夫



如山遺集

卷十五

三

有本堂



胡翁夫婦七十偕壽序

袁一歸之文童經詩少三六斤三人辭芳其言



胡翁夫婦七十偕壽序

震川歸先生文章經術妙天下所至人爭丐其一言  
壽其親先生以爲言則奚辭然事非古不足法也古  
先王於養老事親義備矣無爲壽者爲壽而祈黃耆  
祝無疆如詩所稱有之矣無有每進年之一紀撰期  
謁客爲之文者甚矣風之漸於靡也洵非古不足法  
也吾鄉睡菴先輩嘗本是指暢言之測源窮流攻諛  
刺誕具見所著朱南陵杜袁度二母序而先生前者  
之說粲然大信以章乃予則謂先生身際嘉隆間其



時天下之勢猶厚而未甚趨於薄俗尚忠信未甚矯  
僞竊名聲大農豪賈飽胥桀隸之家未甚與卿士大  
夫爭賓客宮室牛酒歌舞爲樂而放其無窮之欲海  
內詩歌文字琢雕之口未甚多言無驗了不檢人生  
平五禮未甚闕略不遵一日奏觴未甚務華遺實父  
未甚教調其子子未甚貢佞其父以至通都下邑委  
巷喜事之夫未甚奔走招號朝醪金暮樹屏塗飾錦  
綺盜假名字而絕不問其詞之猥鄙不足述而識者  
顧已謂非古如此顧已謂不足法如此使有如今日  
者天下之勢益薄俗益矯僞大農豪賈飽胥桀隸之



顧已謂非古如此顧已謂不足法如此使有如今日者天下之勢益薄俗益矯僞大農豪賈飽胥桀隸之家欲益無窮海內琢雕之口言益無驗五禮益弗遵一日奏觴益華不有實父益教調子益貢佞以至奔走喜事之夫益朝暮盜假名字塗飾錦綺而訖忘乎詞之猥鄙不足述先生將有牢扁却請已耳將有焚棄筆墨不爲耳而屑與濁世之紛紛競炫於庭戶尋尺之內哉蓋吾嘗持是說以謝當世之求者乃求者不吾聽也曰無善弗祥者天之道也無美弗揚者聖之教也孔子自許誰譽然於同時僑嬰瑗札諸賢贊



論不一旁及公父文伯之母亦數數嘉其知禮令弟子志之夫三代而後因事垂勸猶春秋之義也人擇言我擇人酌所以應之而已矣烏謝乎於是胡翁述新偕徐孺人七袞來告者俾序之遂不辭序之予習翁家世矣新河公好行義義周洽閭里其子弟或籍諸生或退耕玉沙之上咸訓撫有法度翁大父也瓊州公性恬丘壑年滯百觴味翛然合釜以食者三世翁父也翁以潛德繼之孺人尤以孝敬勤約能施能恤能睦諸相行襄之甲乙以來相率偕隱龐妻萊婦一時再見旣齊之德又齊之齒抑亦前人鮮及



施能恤能睦諸梱行襄之甲乙以來相率偕隱龐妻  
萊婦一時再見旣齊之德又齊之齒抑亦前人鮮及  
予以知胡氏之積行也厚天之降福亦孔多也七十  
日方朏川方至耳有旣乎哉翁初度以歲癸丑六月  
庚戌孺人以後三月己丑三子曰丙曰某曰某皆修  
名有立例得槩序而予猶竊竊慮非古不足法云



如山遺集

卷十五

七

有



魯有夫七十壽序



魯有夫七十壽序

和陽魯有夫先生以今癸丑九月十有二日稱七十  
初度予友張甕齋走使渡江屬言焉予謝非其人  
不獲命迺益之以戴子無忝及予姪灑之請尤力蓋先  
生爲前司馬懃夫從弟河邨女弟之夫甕齋之子煥  
之外舅煥時從予姪學而戴子故河邨仲子三人者  
悉誦說先生操行高履方據義早棄諸生籍卷跡長  
往乙巳州志次隱逸實特書云夫隱逸難言之王元  
美論列晉孫登以下三十八人其合者不十之七雖



以元亮之達子驥之仁舉有所不能忘焉於其心而非其至夫隱逸者沖穆而近道貞晦而挫名其至者也是故難言之也予與先生無平生游然諸所傳聞遞耳以熟大率進不矯物退不濡己直不垢俗以明槩屈不要譽以飾軌不身隱而文不尾遞而厲不輕天下細萬物以睨世不逃山枕谷屏妻及子以違情而聽居居而視于于罔弗適也而言有類而行有度罔或溢也蓋三人者洋洋誦說如是儻所謂挫名而近道者耶儻心忘焉而仁與達兩無失者耶以次隱逸宜哉七十之辰峻謝客弗受觴甕齋徵吾言以觴



近道者耶儻心忘焉而仁與達兩無失者耶以次隱  
逸宜哉七十之辰峻謝客弗受觴甕齋徵吾言以觴  
乃觴雖然予何言觴先生夫林類陸通老萊榮啓期  
諸賢生於春秋遇於孔子或年百歲或數百歲或莫  
計所終之歲皆古之遺民潛夫確乎不拔者也周秦  
而上唐宋而下不可選紀也豈非操彌固者享彌厚  
取於造物者約而凝於算齒者遐不有艾乎哉覆何  
疑先生矣因憶崇禎二三年間戇夫河邨介嶧桐書  
而交予於金陵邸舍酒酣耳熱抵掌天下事意氣偉  
然又十年邂逅甕齋容山時魯戴咸集而嶧桐之子



與夫亦與焉天下擾擾多故矣又數年或十數年是  
數君子者氣爲日星魄藉黃壤相次以逝予與甕齋  
兩人在耳他家胤各相聞求所爲懃夫之後人而未  
遽以值追而道之有長太息者今乃獲逢盛事於先  
生也秩秩壽筵少長以從有壻如玉有子如龍帑鞬  
鞠騰行酒從容予卽不及進退揖讓其間霑也代之  
先生其亦喜可知也已則凡登先生之堂酌大斗而  
介景福恐後者其又羣而喜可知也已

宗母王孺人七十壽序



宗母王孺人七十壽序

癸卯冬宗母王太君壽六十令子漢臣丐予詞侑觴  
焉予謝不文不獲命則諾以太君祉方集無量進十  
年而修祝未晚至是癸丑閱十年十有二月三日其  
生之日也漢臣前期來徵諾甚懇且曰芳無似猥從  
伯仲氏後克御先生先生名天下之能立言者言必  
信今昭後嚮者不腆家牒惠徵先忠簡公而乃一日  
辱臨先生也彰燬而發幽嘉予吾宗良厚夫吾父潛  
德而訖以焜耀於地下疇施乎敢及時圖貺吾母又



曰先生今之昌黎也昌黎文軌森嚴完然爲一代法而不必盡宜於當世之人讀毛穎傳而莫能舉其辭者咕咕焉動其喙抑但怪焉噓焉已耳平淮鉅製屹如三頌二謨滄欲趾美而忌者謀拽石仆之易文以逞繇今追視竟何如蓋卽無柳州傳後之題義山韓碑之味知有決難沉沒者矣夫吾終始冀先生一言爾矣微先生孰不朽吾母子壽民迺捧手却立媿非其倫不敢以應也旣復心折其義嚴其請不敢以卒辭按諸頌太君者咸以太君往佐惟命公事上御下有法度勤且約大昌阜其家公嗣息艱置俛者再不



辭按諸頌太君者咸以太君往佐惟命公事上御下  
有法度勤且約大昌阜其家公嗣息艱置俾者再不  
挾不媚好施破貲聚仁羸餓中歲無子謀於公而子  
兄之子漢臣是也凡皆婉婉令德可稱道而予竊謂  
太君之撫漢臣尤難云蓋嘗讀史至晉皇甫士安未  
嘗不嘆其所後叔母任氏之賢也士安名行高泰始  
咸寧間屢詔敦趣不起好古而至天子借書延譽而  
俾三都紙貴論著爲一時重從遊率斌斌魁顯斯亦  
極人世之崇推競艷而莫有踰焉者矣揆厥所致繫  
任氏力甚矣任氏之賢也初士安罔知學母泣涕對



焉而始知學罔受教儒生母自咎責焉而始就鄉人  
席坦受教感激震奮業成節顯漢臣早穎脫寧侯告  
誠顧太君夙夜汲汲不稍任氏後也巾而導之冠而  
勉之壯而督之卽今強仕而猶切劘之朝以勅諸庭  
曰爾毋豫毋怠毋前言往行之弗以識也儼然詩禮  
而芻狗等棄抑亦營於歌舞放於博塞姘嬉騁逐於  
裘馬田宅而已耳而奚以振先祀漢臣則朝頓首謹  
受命夕以勅諸庭曰爾毋長傲毋比佞毋老成人之  
或易也典型邇而輒遠之何儉弗卽而奚以輔德而  
末無愆漢臣則夕頓首謹受命是故其食息典訓也



或易也典型邇而輒遠之何儉弗卽而奚以輔德而  
末無愆漢臣則夕頓首謹受命是故其食息典訓也  
備斯其紹休廓武也大業益新長者轍益盈華問益  
廣入畢力娛晨昏而出捧檄以赴功名之會雖忘世  
殊立晏乎要爲善承其母一也是故前有任氏之賢  
後有太君前有士安焉後有漢臣後太君也  
其跡同其聲並也是故事不苟而寄文不苟而乞越  
境連使歷十年而必予言之索其以予洵昌黎其人  
也者何與世之貪常嗜瑣而好僕伎者異也是故吾  
之爲言不夸引以貢諛不彊飾以增誕儼焉而以類



紀焉而以實申厥辭焉而以正它如千秋萬壽紛紛  
末季巫祝之口擯不以效也且太君祉方集無量自  
若也茲予之所爲太君侑觴也序以報漢臣漢臣曰  
善遂進觴

忌者一段有指

郭二韓七十壽序



郭二韓七十壽序

二韓先生以今癸丑冬仲登七十壽而卻觴於其家起而之乎北碕之溇兩崑山之陰就其壻許子子青者憩焉三閱宿以去於是予得過許子識先生方予識先生也邂逅迂相歡縱吐胷臆不盡不止主人飭茗醪迭飲飲罷離坐則嘗與之憑高丘極遠眸連峰邈迤西來屏張背立而前之渺瀰巨浸彌望數十里者腹爲注也微風欲波天宇淨廓吾師弄舸而疾榜海鴻整序而噉空或升或沉或沒或出皆足以虞悅



一時之耳目而吾與先生悠然泠然浩浩然落落然  
意若遐鶩太空而莫測所際也者而先生喜可知也  
則又南指姑山我昔裋席其下竹樹周植激水環之  
一旦棄置弗惜從許子尋淵明南村漫叟讓谿故事  
素心時來閑園許贈而媿非其人也顧匪此奚以御  
先生先生喜可知也則又追數二十年前瀕湖鞞鼓  
動搖南北卽先生一偶戾止不免戒心而今之老恬  
弱嬉士嫺詩書農力疇畝豪者無叫臬肝盧百萬一  
擲之習勁者無擊槊試劍輕生鬪狠之雄昔胡以紛  
茲胡以謐也而先生喜可知也明日集如初又明日



擲之習勁者無擊槊試劍輕生鬪狠之雄昔胡以紛  
茲胡以謐也而先生喜可知也明日集如初又明日  
先生趣戒裝競挽不顧問故語之故問歸何期搖手  
不卽示期予不佞迺改容却立歛衿而颺言曰吾儕  
毋梶先生行也先生秉德執義而湛篤於孝瞿瞿孺  
子慕白首無已時蓋不忍其先公之垂艾而卽世也  
蓋不忍母氏之茹荼飲血迄沒齒也而中摧如而貌  
僂如而噉履醉如噎如尚何敢以大年受衆觴夫偃  
然而優游於人之廬也毋寧蹶躄於路配偕老而淑  
子晚挺而秀曾不得及辰削醢奏酒焉而奚有於他



其母柅先生行旣而曰先生克壽哉曷徵乎克壽孝也者仁之本也仁者壽孔之訓也且夫春秋高矣日屢接而恭益甚恭則壽武之銘也徵也哉詵詵羣姻後先以聚撰屢奉杖戀瞻道左凡爲許子之族若而人外若而人山光開而增高漪流平而加澗而先生喜又可知也是日也月初吉距其生之辰二日云前期而出逾旬而返于居許子覘其返也丐予言以往愛必修祝禮也

內弟徐質菴七十壽序



內弟徐質菴七十壽序

質菴先生予內弟也而長予齡一歲予兄推之乙卯仲春初度七十先期子蠟來告請言焉得請乃止方東南多故歲連惡不入徵輸比急民用無慘於是而克從容聚族以觴其親修故事如承平可尚也已蓋予未齠而倩於徐徐諸老器異之者外父鳴臺公而外實惟季衡州公外父春秋高一再展謁卽捐館去衡州珍予弱齒逮及疆仕冉冉三十年一日也性峻整山嶽立鮮人可而可予自譔生生心印一卷必予



弁也者乃行甲申黔人皖人禍江南窮藪蔽原所在  
鉤織姑山尺地人搖手戒勿近衡州則問訊日以來  
詞氣慨忼大書孟郊連州吟相慰藉蓋謂明月莫吐  
而黃金易鑠也貞我以玄曜勗我以壯志知己哉是  
時諸徐賢俊躡門集者如雲明年江南亡易服僧舍  
中臥不履地明年吳越通道予遣兒出萬山來謁執  
手痛今昔一慟幾殞凡皆古人風義矯厲歷歷夷險  
晦明終始 如是是故予於衡州公之德爲反復不  
可以忘質菴者公猶子有聞者也束髮以文自奮遂  
雄諸生數進不登遂謝去大率內薄榮利外恥順時



可以忘質菴者公猶子有聞者也束髮以文自奮遂  
雄諸生數進不登遂謝去大率內薄榮利外恥順時  
俯仰類公而汲汲好予罔間寒燠家法然也何俟言  
蓋夫世之衰也比問戚黨間有市焉而奚論闐闐矣  
朝肅衣冠而從之暮掉臂去之勢合則插羽翮生風  
濤以助倚之不則氣排突之平居酒食嬉戲裘駟徵  
逐不難析肺肝示之一旦毫髮利害反眼不一問之  
喃喃於甥舅姻亞諸姑姊妹之相呼敝敝於歲時伏  
臘吉凶慶唁之相報妯之嫗之有故而又避匿若將  
及之蓋甚矣其市也而莫測所底也吾將以徐氏之



風正告焉不知其有聞否也聞焉不知其有媿否也  
是故予之爲質菴壽也不襲頌禱以陳諛不撫佞喬  
以導誕不毛舉細善以侈備不博引古先名詰以極  
美家有明德而弗之術吾與術焉爾也身有一二琦  
行而弗之著吾與著焉爾也而矧吾之日擊而躬被  
耶矧一堂之內自爲接武耶是故舍衡州公莫質菴  
壽矣且夫衡州公以早譽躋遐筭策名於萬曆全盛  
之世脫屣於湖南二千石之享晚節完固人方范武  
威官與齒皆如之後人賢復如之此固他族懸弧修  
酌之辰樂得而舉似者君子不以許也茲以許質菴



威官與齒皆如之後人賢復如之此固他族懸弧修  
酌之辰樂得而舉似者君子不以許也茲以許質菴  
有以也哉質菴外父第三子事二兄一姊衍衍盡睦  
姊予室也萊妻龐婦天實靳予而於質菴特篤唐孺  
人偕老益健母儀益秩子若孫隆隆起善人報施如  
此得併書



如山齋集

卷之五

三

石

























